

Na osnovu Memoranduma o sporazumijevanju između TRA d.o.o. Agencija za razvoj općine Tešanj (u daljem tekstu: TRA Agencija) i Češke razvojne agencije u okviru projekta „Povećanje prihoda ugroženih grupa kroz porodičnu poljoprivredu“ (N0.280954/2016-ČRA) potpisanog na dan 25.07.2016.godine između direktora Češke razvojne agencije g.Michal Kaplan i direktora TRA Agencije V.prof.dr. Ismar Alagić raspisuje:

JAVNI POZIV

za prijavu korisnika za dodjelu sredstava navedenog projekta

Projekt pod nazivom „Povećanje prihoda ugroženih grupa kroz porodičnu poljoprivredu“ se fokusira na povećanje prihoda ranjivih društvenih skupina na području općine Tešanj korištenjem dostupnih povoljnih prirodnih resursa za porodičnu poljoprivrednu proizvodnju . Projekt stavlja naglasak na socijalnu dimenziju problema zapošljivosti kroz uključivanje ugroženih grupa javnosti u projekte korisnika.

Na području općine Tešanj je planirano podizanje 50 plastenika jedinične veličine 300 m² (tri stotine metara kvadratnih). Za sadnju su predviđene ljetne i zimske povrtlarske/voćarske kulture, koje će naknadno biti određene na temelju dogovora donatora i implementatora projekta.

Glavni cilj projekta je **poboljšati životni standard porodica u Tešnju i povećati udio lokalne poljoprivredne proizvodnje (voća i povrća) na tržištu.**

Konačni korisnici projekta odabrani putem Javnog poziva će dobiti plastenike (300 m²). Isporuka će uključivati montažu. Istovremeno svaki plastenik će biti opremljen sistemom za navodnjavanje kap po kap, kontejnerom i dozatorom za gnojivo i pumpom. Isporuka 25 plastenika planirana je za drugu polovinu 2016.godine, a isporuka preostalih 25 plastenika tokom 2017. godine.

Projektom je predviđeno da se obezbjedi slijedeća sredstva za podizanje zasada u plasteniku: analiza tla, sadni materijal, gnojiva i zaštitna sredstva. TRA Agencija će angažovati stručnu osobu koja će nadgledati cjelokupan proces od uzimanje uzorka i pripreme tla do otkupa. Korisnici će se zasebnim ugovorom sa TRA obavezati da će uložena sredstva vraćati od prihoda, i to na način da će od ukupnog prihoda izdvajati do iznosa 1175 KM godišnje u toku tri godine trajanja projekta (ukupno 3.525 KM po korisniku). Uplata se mora izvršiti najkasnije do 31.12 tekuće godine, uz mogućnost da se uplate realizuju u maksimalno tri rate godišnje. Ukupni zbir uplata neće prijeći 40 % vrijednosti isporučenog materijala (plastenici i pribor, navodnjavanje, gnojivo, sadnice, itd.) pruženog svakom korisniku iz

proračuna projekta. Procjena donacije po korisniku projekta trebala bi iznositi cca. 9.500,00 KM, što će biti konačno utvrđeno nakon provođenja postupaka javnih nabavki.

Osim toga, svi korisnici projekta proći će obuku iz deset tematskih oblasti relevantnih za predmetni projekat. Osim toga, kroz realizaciju projekta bit će realizovani drugi specijalizovani programi edukacije iz oblasti proizvodnje i marketinga u poljoprivredi, kroz realizaciju studijskih posjeta oglednih dobrima i najuspješnijim proizvođačima.

Svaki od odabranih korisnika na temelju predmetnog Javnog poziva potpisat će Ugovor o učešću na projektu sa TRA Agencijom, gdje će biti propisane gore navedene obaveze i prava, uz obaveznu ovjeru navedenog Ugovora kod ovlaštenog Notara (troškove ovjere Ugovora snose odabrani kandidati).

Priprema i realizacija projekta definisana je potpisanim Memorandumom o sporazumijevanju između donatora i implementatora projekta, s tim da je početak projekta 25.07.2016. godine, a završetak projekta je 30.12.2019. godine.

Uslovi za dodjelu sredstava

Aplikanti kao obavezne moraju zadovoljiti sljedeće uslove:

- Da je stanovnik općine Tešanj, sa stalnim mjestom prebivališta na području općine Tešanj;
- Vlasnik zemljišta na kojem će biti postavljen platenik ili ima ugovor o zakupu na minimalno 10 godina prijavljene parcele(min. 300m²) ;
- Da je prijavljena parcela na području općine Tešanj;
- Da na datoj parceli u trenutku prijave nema zasnovanu proizvodnju;
- Da pripada domaćinstvu koje broji najmanje 3 člana porodice (veći broj članova domaćinstva ima prednost pri odabiru) čija ukupna primanja ne prelaze 400 KM po članu domaćinstva;

Posebni uslovi:

Pored općih uslova **prednost pri odabiru** korisnika će imati aplikanti koji su:

- Pripadnici ženskog spola (U slučaju iste kvalifikacije muškog i ženskog kandidata, daće se prednost ženskom kandidatu kao podrška učešću žena u okviru ovog projekta i sektora u takvoj mjeri da konačni odnos muških i ženskih korisnika odgovara sastavu stanovništva na području općine Tešanj-potrebno minimalno 40% korisnika projekta da bude ženskog spola);
- Registrovano poljoprivredno gazdinstvo;
- Posjedovanje vlastitog izvora vode, bunar, vlastiti vodovod itd.
- Registrovana poljoprivredna djelatnost;

- Spremni za saradnju i **obavezni** da se pridržavaju uputa stručnog lica-agronoma angažovanog na projektu od strane TRA Agencije;
- Imaju iskustva u poljoprivrednoj proizvodnji;
- Ukoliko školuje dvoje ili više djece na bilo kojem stepenu obrazovanja (osnovna, srednja skola, fakultet);
- Pripadnici su jedne od socijalno osjetljivih kategorija stanovništva, kao što su: porodice djece sa posebnim potrebama, djeca bez roditelja, invalidi, žrtve rata, pripadnici demobilisane boračke populacije, i dr.

Aplikanti su pri prijavi na navedeni Javni poziv, obavezni dostaviti slijedeće dokumente:

- Kopija lične karte;
- Ovjerena kućna lista;
- Posjedovni list za prijavljenu parcelu ili Ugovor o zakupu parcele na minimalno 10 godina, (korisnici koji se odaberu dati Ugovor moraju ovjeriti kod Notara);
- Potvrda sa evidencije nezaposlenih osoba izdata od strane Biroa za zapošljavanje i/ili Potvrda visini primanja (Dokaz: Platna lista i/ili bankovni izvod i/ili penzionerski ček ne stariji od tri mjeseca)
- Potvrda da je podnosilac prijave ili neko sa kućne liste bio pripadnik boračke populacije/civilna ili boračka žrtva rata ili neke druge od gore navedenih socijalno osjetljivih kategorija stanovništva.

Javni poziv ostaje otvoren 21 dan od dana objavljivanja, odnosno do 28.09.2016. godine. Prijavu i prateću dokumentaciju lično dostaviti u prostorije TRA Razvojne agencije općine Tešanj, Trg Alije Izetbegovića 11, I sprat, BA-74260 Tešanj – zgrada općine Tešanj). Detaljnije informacije o pozivu i projektu, možete dobiti na broj telefona: 032/650-390, email: tra@opcina-tesanj.ba; (kontakt osoba: Maid Suljaković dipl.inž.polj., TRA Agencija). Sistem bodovanja prema Kriterijima za odabir korisnika sadržanim u pozivu je dat u prilogu poziva i bit će objavljen na web stranici TRA Agencije www.tra.ba Odabir korisnika projekta prema uspostavljenim kriterijima za odabir korisnika prema usvojenom sistemu bodovanja provodit će Komisija imenovana od strane NO TRA Agencije.

Lista odabranih korisnika će biti objavljena na oglasnoj ploči TRA Agencije i na stranici www.tra.ba, najkasnije 10 dana od zatvaranja Javnog poziva. Donator zadržava pravo da dadne saglasnost na konačnu listu odabranih korisnika projekta.

Tešanj, 07.09.2016. godine.

Direktor:
V.prof.dr.sc. Ismail ALAGIĆ dipl.inž.maš.,s.r.

Na osnovu Memoranduma o sporazumijevanju između TRA d.o.o. Agencija za razvoj općine Tešanj (u daljem tekstu: TRA Agencija) i Češke razvojne agencije u okviru projekta „Povećanje prihoda ugroženih grupa kroz porodičnu poljoprivredu“ (N0.280954/2016-ČRA) potpisanog na dan 25.07.2016.godine između direktora Češke razvojne agencije g.Michal Kaplan i direktora TRA Agencije V.prof.dr. Ismar Alagić objavljuje:

SISTEM BODOVANJA

za odabir korisnika za dodjelu sredstava navedenog projekta

Obavezni kriteriji koje moraju ispuniti svi aplikanti se neće posebno bodovati i isti su eliminatorni.

Kriteriji koji se neće bodovati su slijedeći:

- Aplikant je stanovnik općine Tešanj, sa stalnim mjestom prebivališta na području općine Tešanj;
- Vlasnik zemljišta na kojem će biti postavljen platenik ili ima ugovor o zakupu na minimalno 10 godina prijavljene parcele(min. 300m²) ;
- Da je prijavljena parcela na području općine Tešanj;
- Da na datoj parceli u trenutku prijave nema zasnovanu proizvodnju;
- Da pripada domaćinstvu koje broji najmanje 3 člana porodice (veći broj članova domaćinstva ima prednost pri odabiru) čija ukupna primanja ne prelaze 400 KM po članu domaćinstva;

Kriteriji prema kojima će se vršiti bodovanje su sadržani u slijedećoj tabeli:

R.br.	Kriterij	Broj dodijeljenih bodova
1.	Aplikant je pripadnica ženskog spola	2
2.	Registrovano poljoprivredno gazdinstvo	1
3.	Posjedovanje vlastitog izvora vode, bunar, vlastiti vodovod (izvršit će se uvid na terenu)	2
4.	Registrovana poljoprivredna djelatnost	1
5.	Broj članova domaćinstva:	
	-3 člana	1
	- od 4 do 6 člana	2

	-više od 7 članova	3
6.	Ukoliko se u domaćinstvu školuje: -jedno dijete -dvoje djece -tri i više djece	1 2 3
7.	Pripadnost određenoj ranjivoj društvenoj skupini (npr.porodice djece sa posebnim potrebama, djeca bez roditelja, invalidi, žrtve rata, pripadnici demobilisane boračke populacije, i dr.): - aplikant pripada jednoj od gore navedenih ranjivih skupina -aplikant pripada u dvije ili više gore navedenih ranjivih skupina	1 2
8.	U posljednje tri godina na predloženoj parceli urađena Analiza tla sa aspekta plodnosti i preporuke mjera za poboljšanje uz predočavanje dokumentovanog zapisa.	1
Maksimalan mogući broj bodova po aplikantu		15

Svi aplikantu snose odgovornost za istinitost podataka navedenih u njihovoj aplikaciji i pratećoj dokumentaciji. Parcele koje ne dobiju pozitivan nalaz Analize tla sa aspekta plodnosti biće eliminisane. Donator zadržava pravo da dadne saglasnost na konačnu listu odabranih korisnika projekta.

Sistem bodovanja aplikanata je sastavni dio javnog poziva i bit će objavljen na oglasnoj tabli i web stranici TRA Agencije www.tra.ba

Tešanj, 07.09.2016.godine

Direktor TRA Agencije:

V.prof.dr.Ismar ALAGIĆ dipl.inž.maš.,s.r.

